

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0052703 24  
Zenica, 25.07.2024. godine

**OPĆINSKI SUD U ZENICI**  
-Sudiji za prethodno saslušanje-  
**ZENICA**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

**OPTUŽNICU**

Protiv:

1. P.E., osuđivan,
2. H.A., neosuđivana,

**što su:**

dana 19.04.2023.godine, na području grada Zenica, prilikom pretresa kuće od strane policijskih službenika PU I Zenica koja se nalazi na adresi I.C. bb, na osnovu naredbe Općinskog suda Zenica od 14.04.2023. godine, suprotno odredbama člana 4. stav 1., 2, 3. i 5., a u vezi sa odredbom člana 19. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), iako su bili svjesni i znali da je držanje opojne droge radi dalje prodaje protivzakonito, a što su i htjeli, zajednički i dogovorno neovlašteno kod sebe radi dalje prodaje držali osam prozirnih pvc vrećica sa sadržajem bijele praškaste materije neto težina 39,580 grama, 38,272 grama, 36,424 grama, 36,009 grama, 36,479 grama, 35,594 grama, 39,149 grama, 38,810 grama i jednu vakumiranu prozirnu vrećicu sa bijelo žutom praškastom materijom neto težine 5,076 grama, za koju materiju je vještačenjem utvrđeno da sadrže psihotropnu supstancu „amfetamin“, poznatiju kao opojna droga „speed“, a koja droga je pod rednim brojem 1. druge liste psihotropnih tvari iz tablice II „Tvari i biljke pod strogim nadzorom“ proglašena takvom, kao i jedan alufolijski paketić sa sadržajem zelene biljne materije neto težine 11,267 grama, jednu pvc prozirnu vrećicu sa sadržajem zelene biljne materije neto težine 21,203 grama i četiri crna pvc paketića sa sadržajem zelene biljne materije neto težina 0,468 grama, 0,580 grama, 1,310 grama i 0,432 grama, za koju materiju je vještačenjem utvrđeno da sadrži psihoaktivnu komponentu cannabis (CBN) i tetrahidrokanabinol (THC), koja je pod rednim brojem 13. prve liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva i jednu crnu digitalnu vagu u obliku kašike, dakle, neovlašteno radi dalje prodaje kod sebe držali opojnu drogu,

čime su počinili krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 31. KZ F BiH.

Radi toga stavljam,

**PRIJEDLOG**  
dokaza koje treba izvesti

1. Predlažemo sudu da na osnovu člana 239. stav 4. KZ F BiH od osumnjičenih P.E i P.A. oduzme opojnu drogu: „amfetamin“ neto mase 305,101grama, tetrahidrokanabinol (THC) neto mase 171,541 grama preostalu nakon ispitivanja.